

# *HI RIPFUMELO, MUXE*

 Ndza ku khensa, Makwerhu Neville. I mixo lowunene, vamakwerhu. Swi kahle ku va laha namuntlha etabernakeleni. Nakona a ndzi ehleketa leswaku kumbexani loko a ndzi kumile Makwerhu Neville a vulavula mixo lowu, a ndzi ta ringeta vusiku lebyi. Kutani a ndzi ri karhi ndzi langutisa le ndzhaku eka dyondzo ya xikolo xa Sonto ya mixo lowu. Nakona i yini... Loko Hosi yi swi rhandza, hi ta ringeta ku—ku va na dyondzo leyi ya xikolo xa Sonto.

<sup>2</sup> Sweswi, ku vile mavhiki mambirhi sweswi, kwalamu ka, hi mpfhuka ka loko ndzi nghenile. Nakona ndzi vile na rhumbyana tani hilaha mi swi twisisaka, leswaku, entirhwени, ndzi kumekile hi xiviri, ndzi karhele hi xiviri nakona a ndzi nga ha koti ku ya emahlweni. Kutani a ndzi fanele ku nghena ndzi kuma ku wisa nyana. Nakona ndzi tekile kwalomu ka nharhu wa masiku ku rheleta eWolf Creek Dam, ehansi le Kentucky, laha ndzi nga tswariwa kona. Ndzi ehleketicile, “Oho, ndzi titwa kahle ngopfu sweswi. Ndzi kahle.”

<sup>3</sup> Kutani ndzi tlhelerile ekaya, nakona nchumu wo sungula lowuntsongo lowu wu nga ndzi hlanganisa a kuri xin’wana xo tani hi mhaka ya mfumo hi xibalo xa muholo. Ndzi yile ndlela hinkwayo ku ya ehansi nakambe. Swingaleswi ndzi lemukile leswaku swi ya eku tekeni ka ku tlula vhiki kumbe mambirhi ku va ndzi wisa.

<sup>4</sup> Kutani ministri wa mina wu le ku lulamiseleni ka ku endla ku ncinka sweswi. Nakona a ndzi na tinhlengeletano leti ti nga kunguhatiwa. Nakona xexo hi xona xivangelo xa kuva ntsena ndzi ta etlhelo, na ku ehleketa, nakona sweswi eka mavhiki mantsongo lawa ya taka, a ndzi ta teka ku wisa, ku wisa loku ku hetisekeke, na ku rindzela Hosi.

<sup>5</sup> Kutani vo tala va n’wina vanhu lahawani, lava va nga vakhalabya, lava va nga va na hina nkarhi wo leha swonghasi, ma swi tsundzuka leswaku leswi Hosi yi nga swi vula eka hina, hi minkarhi hinkwayo Yi swi endlile sweswo leswi Yi nga vula leswaku Yi ta swi endla.

<sup>6</sup> Tsundzukani, loko kwale ku sunguleni, ekerekeni lahawani, mixo luwa hi nga veka ribye ra tabernakele, hilaha leswi Yona... Swi tsariwile, nakona swi tshamile eribyeni, eka papila ro sungula eBibeleni ya mina. Mixo luwa, xivono lexiya xikulukumba, xi te, “Leyi a hi tabernakele ya wena.”

<sup>7</sup> Ndzi ku, “Xana yi kwihi, Hosi?” Kutani Yi ndzi vekile ehandle ehansi ka xibakabaka. Kutani Rito ri ta. Nakona ndzi langutisile kutani ndzi vona swihambano swinharhu, tani hi,

minsinya na mihandzu ya yona, ku ya emahlweni. Ma swi tiva leswi xivono xi nga swona. Xi tsariwile, malembe yo tala.

<sup>8</sup> Ku rholela, siku rin'wana, buku ya khale kwallahaya, ku hlaya swin'wana swa swilo leswi Hosi yi nga swi vula, yi nga si vhumbha; leswi se swi nga humelela. Hi mayelana na swilo swa vuntshwa, na hi mayelana na hilaha nyimpi yi nga ta humelela hakona, nakona hinkwaswo swilo leswiya swi bile.

<sup>9</sup> Ntsena swilo swimbirhi swi sele, eka byin'we bya vuprofeta lebyiya byi kulukumba. Sweswo i, ku va timovha ti va epatwini hi vulawuri bya rhimuti, ti ri karhi ti languteka tani hi tandza, ntsena a mi yi chayeri. Yi tilawula hi yoxe. Nakona ku tava na wansati lonkulukumba loyi a nga ta pfuka, hikuva Amerika i tiko ra wansati. Nakona ri ta... Wansati lonkulukumba u ta pfuka, kutani a va Presidente kumbe swin'wana swo tani hi sweswo, etikweni. Kutani ku ta ta ku heriseriwa makumu. Tiko hinkwaro ri ta suriwa hinkwaro.

<sup>10</sup> Kutani, sweswo, ndzi vhumbha... Sweswi leswi a hi Hosi yi vulaka leswi. (Leswin'wana, mayelana na wansati, hi swona, i Hosi.) Kambe ndzi vhumbhile, hi 1933, leswaku misava yi ta hlangana na ku heriseriwa makumu ku nga se fika '77.

<sup>11</sup> Swingaleswi, a ndzi nga swi tivi hi nkarhi luwa leswaku a va ri na nchumu wun'wana lowu a wu ta yi herisa kukotisa lowu va nga na wona sweswi, kambe ndzi vonile tiko ri ri eka ku heriseriwa makumu, ntsena swikundzu swa minsinya na swilo swo kotisa sweswo, swi sele.

<sup>12</sup> Swingaleswi, swi le patwini ra swona. Nakona loko swilo leswin'wana hinkwaswo swi humelerile ntsena hilaha Yi nga vula hakona, sweswo swi tava tano na swona; nakona ntsena tani hilaha Yi nga vula eMatsalweni lahawani, leswi Yi swi vulaka. Loko Kreste a tile ro sungula, U ta ta ravumbirhi. Kutani hinkwaswo swilo leswi A nga swi vula swi ta humelela. Nakona ku bona leswi tani hilaha swi languteriweke hakona, na ku tiva leswaku hi le... nhlayo ya hina yi le kusuhi na ku vitaniwa, tani hi tiko, hi ri karhi hi swi tiva leswaku Kereke yi le kusuhi na ku teka ku Vutliwa ka Yona. Swi famba-fambisa mbilu ya muchumayeri, kumbe un'wana na un'wana wa vanhu ntsena, ku tiva leswaku hi le ka siku leri na nkarhi lowu hi hanyaka eka wona. I nkarhi lowu kulukumba lowu munhu wihi na wihi a nga tshama a wu hanya emisaveni, hi wona lowu; lowu wu nga, wa Kereke. Swingaleswi, hakunene ndzi navela swikhongelo swa n'wina.

<sup>13</sup> Kutani ndzi vonile etabernakeleni, nakona ndzi vonile leswaku a va ri na... a va tava na ku hlawula hi vuntshwa na hinkwaswo, ekerekeni, eka van'wana va bodo na ku ya emahlweni.

<sup>14</sup> Kutani—kutani kereke a yi lava nhlengeletano yintsongo, ku hakasiwa swintsongo. Nakona mi vile na malwandla eka mina

minkarhi hinkwayo, na ku ndzi katekisa. Nakona ku va mina ndzi vile lahawani, swi tikomba swi vile nkateko eka n'wina. Nakona ndzi na ntiyiso, ku va na n'wina, swi vile nkateko eka mina. Nakona minkarhi hinkwayo mi amukerile leswi ndzi nga swi vula ku va swi ri Ntiyiso, tani hilaha ndzi nga swi vona hi Xikwembu. Kutani ndza—ndza swi khensa sweswo.

<sup>15</sup> Swingaleswi, ndzi sungurile endzeni, nakona a ndzi lava ku kumisisa, na ku ololoxa kereke ya hina, eka tibodo ta yona, kutani eka minhlawulo na swin'wana na swin'wana. Kutani—kutani, ndzi ehleketele, endzhaku ka sweswo, ndzi yile ehandle ndzi ya kuma ku wisa nyana loko ndzi nga se tlhelela entirhwени nakambe.

<sup>16</sup> Swi hlaiseni exikarhi ka n'wina vinyi. Sweswi, a hi swa va le handle. I swa tabernakele leyi. Hi lava nhlengeletano na tabernakele leyi, leswaku swilo hinkwaswo, na xihoxo xin'wana na xin'wana, swilo hinkwaswo leswi a swi ri karhi swi humelela, nakona kumbexani matitwele mantsongo ku suka eka un'wana ku ya eka un'wana; sweswo, ndzi ya eku kumeni ka xin'wana na xin'wana xa swona kutani ndzi swi kongomanisa. Swingaleswi loko mi nga lavi ku swi kongoma, swa antswa mi suka etikweni; hikuva mi le ku kongomaneni na swona hi vuntsongo byin'wana na byin'wana bya swona, tani hilaha a hi toloverile ku endla hakona lahawani etabernakeleni. Kutani hinkwaswo swi ta olovisiwa, hikuva hi vamakwerhu va xinuna na va xisati lava va nga phema xilalelo, Mmiri wa Kreste, ku tsemakanya tafula ra minkateko. Nakona a hi nchumu kambe javulosi a nga endla xin'wana na xin'wana lexi nga vaka xo hoxeka, nakona a nga vanga matitwele, kumbe ku handzula, kumbe xin'wana na xin'wana xo kotisa sweswo. Nakona ndzi le ku tekeni ka Makwerhu wa hina Neville, kutani hi le ku fambeni ku suka eka ndhawu ku ya eka yin'wana, na ku yisa vanhu eka vanhu, kun'we, ku kondza tabernakele ya khale yi vuyelela, yi simekiwa nakambe, emilengeni ya yona, ku longoloka hikokwalaho ka Mfumo wa Xikwembu. Sweswi, leswi i, xivangelo xa ku va ndzi virile leswi, hikokwalaho ko va xi ri na ntlawa wa hina lowuntsongo lahawani mixo lowu.

<sup>17</sup> Kutani sweswi ndzi ya eku kumeni ka ku wisa kun'wana, kutani ndzi tlhelela endzhaku hi xihatla hilaha ndzi nga kotaka hakona. Kutani ndzi langutela ku suka ndzi ya entirhwени nakambe. Kutani nkarhi lowu, loko Hosi yi swi rhandza, ndzi lava ku teka leswintsongo leswi hi nga swi kuma eka swa timali, na ku ya emahlweni, swa mina, ehandle eka... nonganoko lowu wa xikongomelo-nkulu xa matiko mambe. Kutani ndzi tikumela tende rintshwa, na switirhiswa swintshwa, kutani ndzi sungula entirhweni. Ku ngari ku suka eka kereke ku ya eka kereke, kambe ku ya eka tinhlengeletano ta hina vinyi.

<sup>18</sup> Sweswi, ku ngari ku tekela ehansi eka vamakwerhu lava va nga ndzi rhamba, leswi swi nga kahle swinene. Kambe

ngopfu-ngopfu hinkwaswo ka swona, mi kumisisa leswaku tikhonivhexini leti, va ri u ya kwalahaya, kutani vanghana va wena hinkwavo va nghena, kutani ku va na vunyingi hinkwabyo bya ku chaya hikokwalaho ka mali. Ntsena ku tswongela vanhu lavaya ehansi. Ndza ha ku sungula ku kumisisa sweswo, ma swi vona. Swingaleswi sweswo—sweswo a swi lulamanga. Hi lava ku va na ndhawu laha hi nga va tisaka kona. A mi fanelanga ku tisa mali ya n'wina. Ntsena tanani, n'wina vinyi, kutani—kutani mi tirhela Hosi. Ma vona? Swingaleswi sweswi... .

<sup>19</sup> Nakona ministri wa mina wu tekile ku cinca sweswi. Ma tsundzuka loko ndza ha tshamela ro khoma voko ra munhu, kutani ntsena ndzi yima lahaya, kutani Hosi a yi ta ndzi byela leswi a swi ri xiphijo xa vona. Yi ku, "Kutani swi ta humelela, u ta tiva xihundu xa timbilu ta vanhu." Un'wana na un'wana wa n'wina wa swi tiva leswaku sweswo swi humelerile hi ku hetiseka hi ndlela leyi Swi nga vula hakona. Sweswi leri i goza leri landzelaka, leri ri nga profetiwa na ku vhumbhiwa, leri ri nga tava ekule ku hundza swihi swa Swona, ma swi vona. Nakona hi kona sweswi eka ku cinca.

<sup>20</sup> Nakona xexo hi xona xivangelo xo va Sathana a ndzi lwisa hi xibalo xa muholo, ku ringeta ku ndzi byela, mfumo, leswaku ndzi kolota xibalo xa muholo eka peni yin'wana na yin'wana leyi ndzi nga yi teka, tani hi muministara, hi mpfhuka ka kwalomu ka makume mbirhi-nkombo wa malembe lawa ya nga hundza, ndzi nghanile eka ministri. A swi tano, hikuva yi hundzile eka kereke lahwani.

<sup>21</sup> Ndzi muthirasti wa kereke leyi. Sweswo hi swona hakunene. Swi le ka minkandziyiso lahwani. Swingaleswi, kutani, loko ndzi ri muthirasti-mukhomi wa nkrama wa kereke leyi, kutani ku hava nchumu emisaveni... Mfumo a wu na nchumu xo xi endla hi swona. A va le ku vutiseni ka kereke. Va le ku vutiseni ka mina ndzi nga mukhomi wa nkrama wa kereke. Kutani mathirasti ma sayinile phepha leri ri nga bangini, leswaku timali ta mina hinkwato... Ematshan'wini ya ku va na masungulo ya mina n'winyi, ndzi yi hundzisile hi kwala kerekenei ya mina, hikuva hi wona masungulo hi woxe, hambiswiritano.

<sup>22</sup> Kutani ku endla sweswo, swi ndzi pfuna ku sivela ku tsutsumela ekule na kereke na ku yi sukela, na ku ya emahlweni ehandle na ku ka ndzi nga vi nchumu lahwani. Endzaku ka loko ndzi tshembhisile vanhu leswaku ndzi ta vuyela ekerekenei, nkarhi endzhaku ka nkarhi, na ku va pfuna. Xexo hi xona xivangelo xa ku va ndzi swi hlayisile ku kotisa sweswo, hikuva ndzi endlile xitshembhiso eka n'wina vanhu. Hikokwalaho ndzi tshama na swona hi ndlela yaleyo, ematshan'wini ya ku va na ya munhu un'we. Kutani, loko u endla sweswo, swi yi hoxa eka vandla. Nakona ndzi lwisana hi matimba na vandla. Swingaleswi ndzi—ndzi ta yi hlayisa hi ndlela leyi yi

nga xiswona, emavokweni ya Xikwembu, leswaku hi ta ya emahlweni eka Mfumo wa Xikwembu.

<sup>23</sup> Sweswi, mixo lowu, hi lava ku dyondza Rito leri ro kateka ra khale, na ku pfumela.

<sup>24</sup> Sweswi, ndzi lava ku vula, na swona . . . ndzi vona Makwerhu Egan na vo tala, van'wana va mathirasti lava va nga tshama lahwani, endzhaku ka loko hi vile na nhlengeletano ya hina ya mathirasti, vusiku byin'wana; i ntiyiso, ndzi swi vekile erivaleni emahlweni ka kereke, leswaku un'wana na un'wana wa n'wina a nga hari e—e muthirast loyi a nga vekiwa. Mi mathirasti lava va nga hlawuriwa, nakona mavito ya n'wina ma le tibukwini. Swi lulamile.

<sup>25</sup> Kutani sweswi va tava na ku hlawula ko tala ka—ka madiyakoni, na swin'wana na swin'wana. Kutani Makwerhu Neville u, u tava a ri karhi a vitana valava xikan'we-kan'we endzhaku ka xikhongelo, swi lulamile, na le ka mukhomii wa nkwama na van'wana na van'wana, tani hi loko hi simeka kereke. Byi kumeni, vuyimelo hinkwabyo, byi lungheka, kutani hi nga va na mpfuxelelo loko swi ri karhi swi ta.

<sup>26</sup> Sweswi, ntsena loko hi nga se hundzulukela endzhaku eka mapapila lahwani, eka dyondzo ya hina ya xikolo xa Sonto, eka Rito leri lerikulu ra Xikwembu lexi xi hanyaka, ntsena a hi korhamiseni tinhloko ta hina, xinkadyana, tani hi loko hi vulavula na Mutsari wa Buku leyi. Kutani sweswi vekani etlhelo mianakanyo hinkwayo, swilo hinkwaswo leswi hambanaka, ku mi sivela ku va na nkateko.

A hi khongeleni.

<sup>27</sup> Lexi xi kwetsimaka ku tlurisia na Xikwembu xo lulama, eka Vukona bya Wena byo kateka lebyi hlohotelaka xichavo ha ta sweswi, hi ri karhi hi nyikela vutomi bya hina eka Wena, na mimoya ya hina—hina, na mmimiri ya hina, na vukorhokeri bya hina, na tinyiko ta hina. Na hinkwaswo leswi hi nga na swona, hi swi humesela eka Wena. Kutani loko U ri karhi u langutisa ehenhla ka hina, Hosi, loko ku ngava kuri na xidyo ho xihi na xihi lexi nga ambalangiki na ku ka xi nga vuriwanga, hi ta kombela Wena, O Hosi Xikwembu, leswaku U ta tota Ngati ya N'wana wa Wena, Yesu, eka ndhawu yo tano. Hikuva, hi ku lemuka leswaku hina eka hina vinyi a hi ringanelanga, nakona kwalahaya a swi koteki eka hina ku va hi nga kala hi tiseketela hi hexe. Kambe hi tshembhele hi ku hetiseka ehenhla ka Ngati ya Yena yo hlawuleka, na tintswalo ta Yena ku va ti tirha hi mhaka ya hina, leswaku hina vadyohi lava va nga ringanelangiki hi nga ta hi vurhena siku rin'wana eka Vukona bya Wena, hi ri karhi hi tisa emahlweni ka hina Ngati leyi ya Hosi Yesu. Leyi, Wena, eminkarhi leyi nga hundza, u nga yi lemuka ku va yi ri Ngati ya N'wana wa Wena loyi a nga tswariwa a ri yexe, nakona u endlile

xitshembhiso, leswaku, “Ha Yena, loko hi tivula swidyoho swa hina, hi ta lulamisiwa hi tintswalo ta Yena.”

<sup>28</sup> Kutani sweswi hi ta kombela, Hosi, leswaku U hi rivalela eka xihoxo xihi na xihi, xidyoho xihi na xihi xa ku tlula nawu kumbe ku rivala, ku homboloka, leswaku loko kuri leswaku mianakanyo yihi na yihi ya vubihi yi boxile mimoya ya hina, hi minseve ya vukarhi ya javulosi, leswaku U ta khayimela nala loyi wa Wena lowo biha ekule, na wa vanhu va Wena.

<sup>29</sup> Nakona hi ta kombela leswaku U ta rhumela Moya lowo Kwetsima ku va wu khoma Rito enkarhini lowu, loko hi ri karhi hi tinyikela tani hi switirhisiwa, leswaku U ta vulavula hi hina, na ku twa hi hina, Rito ra Wena. Nakona ingaku na hina hi nga Ri amukela ku suka eka Wena, kutani hi suka eka ndhawu leyi, namuntlha, hi ri karhi hi twa leswaku hi tlhaviketiwile hi vuntshwa eka xivangelo xa Kreste; leswaku hi tava lava ringanelaka ku antswa eka xikhongelo xa vusiku lebyi na mundzuku, hikokwalaho ka vuendzeri bya Moya lowo Kwetsima.

<sup>30</sup> Katekisa vamakwerhu va hina hinkwako-nkwako, tikereke ku tsemakanya misava, lava va nga khomela emahlweni Rito ra Vutomi eka siku leri ra vubihi. Ha swi twa leswaku a ku salanga nkarhi wo tala wo tirha, hikuva vusiku byi le kuteni hi ku hatlisa. Mapapa ya nyimpi ma le ku papamalen i nakambe. Vubihi byi le kusuhi, nakona ha khongela leswaku U ta hi pfumelela ku tirha tani hilaha swi nga se tshamaka swi va kona. Wisisa mmimiriyi ya hina leyi karhaleke, Hosi, kutani u hi tlherisela endzhaku enyimpini. Hikuva hi swi kombela hi Vito ra Hosi Yesu, nakona hikokwalaho ka Yena ha khongela. Amen.

<sup>31</sup> Loko hi ri karhi hi pfula, mixo lowu, Bibele, eka—eka kavanyisa ka vu11 ka Buku ya Vaheveru.

<sup>32</sup> Vusiku bya Ravunharhu a hi ri karhi hi vulavula hi kavanyisa ka vu7 ka Buku ya Vaheveru, ya “Melkisedek, ku va a ngari na tatana, na ku va a ngari na manana, a ngari na ku sungula ka masiku, kumbe kuri ku hela ka vutomi.”

<sup>33</sup> Kutani ndzi ehleketele, kumbexani, mixo lowu, swi ngava swi fanerile ku pfula nakambe Buku leyi ya kahle swinene, kuva hi ri na vuyimelo eka leswi hi navelaka ku swi vula, eka ku hlaya ko sungula. Kutani ku tlulela eka kavanyisa ka vu10, na kavanyisa ka vu9, loku ku nga milawu ya magandzelelo, hi nga ha ta eka ndhawu ya “ripfumelo.” Kutani laha eka Buku ya Vaheveru, kavanyisa ka vu11, na ku sungula hi ndzimana ya vu23, hi Yi hlaya ku kotisa leswi:

*Hi ripfumelo Muxé, kute loko a tswariwile, a fihliwa tin'hweti tinhárhu hi vatswari va yena, hikuva a va swi vona leswaku a ri n'wana wo saseka; kutani a va chavanga xileriso xa hosi.*

*Hi ripfumelo Muxe, loko a kurile, u arile ku vuriwa n'wana wa n'wana wa Faro lowa wanhwana;*

*A va a tihlawulela ku xaniseka swin'we na vanhu va Xikwembu, ku tlula ku tiphina hi mintsako ya vudyoho swa nkarhinyana;*

*A ringanisa leswaku xisandzu xa Kreste i rifuwo leri tlulaka xuma xa Egipta:...nakona a xixima hakelo leyi ya ha taka.*

*Hi ripfumelo u sukile Egipta, a nga chavi vukarhi bya hosi: hikuva a tiyile, kukotisa loko ingi a vona loyi a nga vonakiki.*

<sup>34</sup> Ndzi lava ku teka dyondzo, mixo lowu, “ku hlawula hi ripfumelo.” Nakona ndzi lava ku teka eka tsalwa, marito manharhu yo sungula ya kavanyisa ka vu<sup>23</sup>, *Hi Ripfumelo, Muxe*. Kutani, “ku hlawula hi ripfumelo,” ha kanyingi hinkwaswo leswi hi swi endlaka, hi fanele ku hlawula hi ripfumelo. Nakona hinkwaswo leswi hi kumaka leswaku Muxe u swi endlile, leswi swi nga ringanelu ku vuyelerisiwa, a swi ri hi ripfumelo; ku ngari hi ku vona, kambe hi ripfumelo.

<sup>35</sup> Xivangelo xa ku va ndzi hlawurile leswi mixo lowu, eka kereke eka xiyimo lexi, ku vile leswaku eka swa hina...hambi kuri swikolo swa hina, na hinkwako, hi vile na swo tala swa tidyondzo ta xisayense. Hikokwalaho ka leswi, hi kokerile vanhu ekule na ripfumelo. Sweswi, ripfumelo a ri khorwisiwi hi sayense. Ripfumelo hi leswi sayense yi nga swi voniki. Nakona hina... Loko hi nga pfuka hi lahlile ripfumelo leri lerikulu, kutani hi le munyameni hi ku hetiseka, ri... swi ngari na mhaka leswaku hi dyondzekile kahle ku fika kwih, hilaha hi nga hlamuselaka Rito ra Xikwembu hakona, ku ringanerisa ndlela ya hina vinyi ya ku pfumela.

<sup>36</sup> Ku hava ndlela yo tsakisa Xikwembu, ntsena hi ripfumelo. Matsalwa ya swi veka erivaleni hi ndlela yaley, nakona swi hi ripfumelo. “Kutani ehandle ka ripfumelo,” ku vula Matsalwa, “a swi koteki ku tsakisa Xikwembu.”

<sup>37</sup> Swingaleswi, loko ripfumelo ri kanetana na sayense, na sayense yi kanetana na ripfumelo, sweswo swi swi veka e—e makumu ya xin'wana eka xin'wana, kutani hi fanele ku hlawula tani hilaha Muxe a nga endla hakona. Hi ripfumelo ha pfumela!

<sup>38</sup> Sweswi, loko hi lahla ripfumelo, kutani hi ngaka hi nga kumi xikhongelo xi hlamuriwile hi Xikwembu. “Hikuva loyi a taka eka Xikwembu u fanele ku sungula a pfumela leswaku hi Xona, na muhakeri wa lava va Xi lavaka hi ku tiyimisela.” Swingaleswi, loko hi lahla ripfumelo, swikhongelo swa hina a swi le nawini; a hi fiki helo.

<sup>39</sup> Swingaleswi swi hinkwaswo leswi hi nga ehleketa ha swona, mixo lowu, i ku khomelela eripfumelweni. Kutani, loko

hi lahla ripfumelo, ku tshembha ka hina hinkwako ku herile. Nakona loko hi lahla ripfumelo, xiviri xa hina hinkwaxo xa ximoya xi herile. Hikuva, mi ngaka mi nga vi na ripfumelo eka swilo leswi mi swi vonaka, hikuva swilo leswi mi swi vonaka hinkwaswo swa hela.

<sup>40</sup> Loko hi langutisa munhu un'wana lonkulu, muministara lonkulu, kumbe nhlengeletano leyikulu, hinkwaswo swi ta hela, siku rin'wana. Kutani loko hi langutisa eka rixaka lerikulu, kumbe xitlhava-tlhavana lexikulu, hinkwaswo swi ta hela, siku rin'wana. Kutani hi fanele ku hanya hi ripfumelo, ra swilo leswiya sayense yi nga swi tiviseki. Swi hi ripfumelo ku va hi pfumela.

<sup>41</sup> Sweswi, hi lahla ku kwetsima ka hina loko hi lahla ripfumelo. Sweswi, loko hi ya ekule na ripfumelo, kutani hi yisa kereke eka mfumo wa swa vutlharhi.

<sup>42</sup> Kutani minkarhi yo tala, a swi ehleketa, exikarhi ka vanhu, leswaku hikokwalaho ko va nhlengeletano yi ri leyikulu, nakona a va ri na tikereke letikulu, swihondzo leswikulu, na lava kulu, vo tala va vanhu lava nga ambala kahle na ku basa, na timali to tala, leswaku va nga kota ku hakelela nchumu wo tani hi wolowo, hina, minkarhi yo tala, a va ehleketa leswaku sweswo a swi huhutela, leswaku kereke leyi yo karhi yi fanele yi huhuteriwile. Kumbe, nkarhi wo tala hi kongomisile eka vaministara vo hambana-hambana lava va humaka ku ya entirhwени kutani va va na tinhlengeletano letikulu ta mintshungu, nakona ha ehleketa, minkarhi yin'wana, leswaku hi vona swikombiso swa huhutelo. Kambe sweswo a hi hinkwaswo-nkwaswo swi nga ntiyiso. Sweswo i huhutelo wa yumunhu.

<sup>43</sup> Kambe huhutelo wa xiviri wu ta hi ku endla ku rhandza ka Xikwembu. Ma vona? Hambi i kun'we, kumbe ntsena loku ku tataka xandla. Hambi i kereke leyikulu, kumbe kereke leyintsongo, a swi na mhaka. Hambi hi yena nkulukumba, xivulavuri lexi khorwisaka, kumbe ntsena wanuna loyi a nga tiviki na ti ABC ta yena, a swi na mhaka. Swi ya hi hungu leri a ri tisaka, loko kuri leswaku ri huhuteriwile hi Rito ra Xikwembu, kumbe, ri huhuteriwile matwisisele ya swa vutlharhi bya huhutelo wa yumunhu?

<sup>44</sup> Vanhu van'wana va nga ha hloholteriwa hikokwalaho ka xivulavuri lexi khorwisaka. Sweswo a swi swi endli leswo lulama. Minkarhi yin'wana va huhuteriwa hikuva wanuna a leteriwile swonghasi lero a nga kota ku veka mhaka ya yena ehenhla. Sweswo a swi vuli leswaku i swa Xikwembu. Ma vona?

<sup>45</sup> Ntsena swi ya hi leri hanyaka ra Xikwembu lexi ngariki na ku hela, Rito leri katekisiweke ra hilaha ku nga Heriki, hi nga amukelaka huhutelo, nakona sweswo swi nyikiwa hi Moya lowo Kwetsima. Hi ripfumelo ha swi amukela.

<sup>46</sup> Sweswi hi nga ha ehlaketa hi Muxe, na nkarhi lowu lowukulu wa vutomi bya yena. Nakona hi hlayile endzhaku, hi ku tswariwa ka yena, hilaha Xikwembu xi nga n'wi hlayisa hakona, kambe ku fikile nkarhi evuton'wini bya Muxe ku ya hilaha a ku fanele ku va na nkarhi wo hlawula. Loko hi hlaya kahle, hi kuma leswaku a ri n'wana wa wanhwana wa Faro, nakona a ri mudyandzhaka eka xiluvelo, nakona a tava a vile faro loyi a landzela e Egipta. Swingaleswi a ta swi lemuka loko a langutisile ematlhelo hinkwawo, endzhaku ka loko a kurile na ku va na vutihlamuleri, nakona a ku tava kuri na mahlonga lawaya ya ri karhi ya tirha le handle emagojini yo rheta. Kutani Muxe, tani hi loko a langutisa hi mafasitere ma xigodlo, ehenhla ka mahlonga lawa ya fanaka lawa Faro a ma langutisa, kambe a kuri ku hambana kwihi loku a kuri kona eku langutiseni.

<sup>47</sup> Ndzi lava ku veka tshaku ra mianakanyo yaleyo, mixo lowu, eka timinetse tintsongo, nakona ingaku Xikwembu xa Tilo xi nga yi yisa ekaya eka mbilu yin'wana na yin'wana lahwani. Swi hilaha mi langutisaka nchumu wun'wana na wun'wana, leswi swi endlaka ku hambana.

<sup>48</sup> Muevhangeli lonkulu, John Sprawl, loyi a ri muhundzuki eka ministri wa Makwerhu Bosworth, loyi votala va n'wina mi tsundzukaka malembe lawa ya nga hundza, hi ta Dulu ro Kwetsima ra Khale. U te, siku rin'wana a ri karhi a teka rendzo, loko ku nga se va na ku lova ka muringani wa yena loyi a rhandzekaka na nsati. A va ri eLa Salle, Lorraine, France. Nakona ndzi vile na nkateko wo endzela ndzhawu leyi fanaka. Kutani muleteri a ri karhi a va humesa ku ya emintangeni, na ku va komba swilo swo hambana-hambana. Kutani va fikile eka xifaniso xo karhi xa Hosi Yesu, ku vambiwa. Kutani Nkul. Sprawl a yimile ethlalo, a xi langutisile, yena na nsati wa yena, nakona, etimbilwini ta vona, a va ri karhi va sandza leswi n'wa-vutshila a nga vaka a vile na swona emiehlekeweni ya yena, kumbe muvatli, swa antswa, loko a ri karhi a kovotla eribyeni, nchumu wo chavisa swonghasi ku va wu ta yimela ku xaniseka na rirhandzu na ntwela vusiwana wa Hosi Yesu, na hilaha hinkwaxo a xi olovisiwile na ku languteka xi tsemeleriwile. Kutani muleteri u yile eka Nkul. Sprawl, kutani a ku, "Nkulukumba, ndza tshembha leswaku u le ku sandzeni ka xifaniso lexi xa Hosi Yesu."

Kutani yena a ku, "Ndzi le ku xi sandzeni."

<sup>49</sup> Kutani a ku, "A ndzi hlamali na swintsongo, hikuva vanhu vo tala lava va xi langutisaka, xo sungula, va xi sandza."

<sup>50</sup> Kutani Nkul. Sprawl a ku, "Hikokwalaho ka yini, a ndzi voni ntwela vusiwana kumbe huhutelo eku langutiseni ka nchumu wo tani hi wolowo, swingaleswi ndzi le ku tivutiseni leswaku hikokwalaho ka yini muvatli a kale a xi endla kukotisa leswi."

<sup>51</sup> “Nakona muvatli . . .” A ku, “Nkul. Sprawl, xifaniso lexi xi lulamile, nakona muvatli a ri na xilo xa kahle emiehlekeweni ya yena. Kambe laha xiphiqo xi nga kona, xi na wena. I ndlela leyi wena u nga eku xi langutiseni hakona.” Kutani u tekile wanuna na nsati wa yena hi voko, kutani a va rhangela ku rhelela e altarini enkondzweni wa xihambano lexi xi nga vuriwa. Kutani a ku, “Sweswi, Nkul. Sprawl, langutisa ehenhla sweswi.” Kute loko a langutisile ehenhla, u te mbilu ya yena yi lavile ku n’wi tsandzeka. I ku hambana muni loku a kuri kona, ku yimisa etlhelo kwalahaya na ku xi langutisa hi ndlela *liya*, na ku rhelela ehansi kutani u xi langutisa hi ndlela leyi a xi endliwile ku va xi langutiwa hakona.

<sup>52</sup> Nakona yaleyo i ndlela leyi Xikwembu xi nga xiswona. Yaleyo i ndlela leyi ripfumelo lero ri nga xiswona. Swi hi ndlela leyi mi swi langutisaka hakona. Loko mi swi langutisile tani hi muxaka wa Bibele ya swa matimu, ya swin’wana leswi a swi ri emasikwini lawa ya nga hundza, mi ngaka mi nga swi koti ku kuma nkoka wa xiviri wa Bibele. Mi fanele ku khinsama hi matsolo ya n’wina, kutani mi yingisa milawu ya Bibele leyi, na ku Yi langutisa hi matihlo ya Moya lowo Kwetsima.

<sup>53</sup> Ndzi nga ha vutisa vayingiseri lava, mixo lowu. Xana hi swihi swa kahle leswi Xikwembu xa swa matimu xi hi endlelaka swona namunthla loko Xi ngari Xikwembu lexi fanaka-ke? Xana hi swihi swa kahle leswi Xikwembu, lexi a xi ta teka Muxe kutani xi endla mahlori ha yena lawa a nga ma endla, xana hi swihi swa kahle leswi swi nga hi endlelaka swona ku hlaya hi ta Xikwembu xo tani hi xexo loko Xi ngari Lexiya xi fanaka namunthla-ke? Xana hi swihi swa kahle hi Xikwembu lexi xi nga humesaka ekheleni ra ndzilo wa vukarhi, vana va Vaheveru, loko Xi ngari Xikwembu lexi fanaka namunthla-ke? Hi swihi swa kahle hi Xikwembu lexi nga avanyisaka exikarhi ka swo lulama na swo hoxeka, hi siku leri nga hundza, kutani xi xupula lava hoxisaka na ku katekisa lavo lulama, loko Xi ngari Xikwembu lexi fanaka namunthla-ke? Xana hi yela yini ekerekeni? Hikokwalaho ka yini hi fambela ekule na swilo swa misava, loko Xi ngari Xikwembu lexi fanaka xa ku avanyisa loku ku fanaka, na mavonele lama ma fanaka lama Xi ngava wona minkarhi hinkwayo-ke? Xana hi swihi swa kahle leswi swi nga va ka swona eka Xikwembu lexi a xi ta khumbha voko ra wansati loyi a ri na ku hisa ka miri ko kariha, kutani ku hisa ka miri ku yima, loko Xi ngari Xikwembu lexi fanaka namunthla-ke? Xana hi swihi swa kahle leswi a swi tava swona ku tirhela Xikwembu lexi a xi kota ku vitana munghana wa Xona ku suka esirheni, endzhaku ka loko a file masiku ya mune, loko Xi ngari Xikwembu lexi fanaka namunthla-ke?

<sup>54</sup> Hi ripfumelo hi pfumela leswaku siku rin’wana ro kwetsima Xi ta hi vitana ku suka emisaveni, hambi loko hi ngava lepula leri nga tala hi nkuma nakambe. Xana hi swi khorwisa njhani?

A hi swi khorwisi. Ha swi pfumela. A hi komberiwi ku khorwisa nchumu. Hi komberiwa ku swi pfumela.

<sup>55</sup> Hi ripfumelo Muxe u endlile *swokarhi-na-swokarhi*. Nakona loko Muxe, loko a ha ri jaha, a langutisile hi fasitere ra xigodlo, eka mahlonga, u vonile ntlawa lowu fanaka wo punyala, wo thyaka, mahlonga lawa ya toleke ndzhope lawa Faro a ma vona.

<sup>56</sup> Kutani loko Faro a va langutisa, na Vaegipta, a va ngari nchumu ehandle ka ntlawa wa mahlonga. Sweswo hi hinkwaswo leswi a va ri kahle eka swona; ntsena ku va vanhu lava pfuvaka ndzhope, ku endla switina swa ndzhope ku va ku vuyeriwa madoroba lawa Faro a ri eku ma akeni. Yaleylo i ndlela leyi Vaegipta na Faro a va langutisa mahlonga hakona.

<sup>57</sup> Kambe Muxe, loko a va langutisile, a kuri ku langutisa ko hambana loku Muxe a ri na kona. Loko a tava a vonile, ku hundza hi fasitere, magoji lamakulu lawa a ya ri eswikandzeni swa vona, mihloti leyi a yi khuluka yi rhelela emarhameni ya vona, na mmimiri ya vona leyi korhamisiweke, u va langutile tani hi vanhu va Xikwembu. A nga va langutanga tani hi mahlonga. U va langutile tani hi vanhu lava va nga vahlawuriwa va Xikwembu.

<sup>58</sup> Nakona, oho, loko ndzi ri karhi ndzi famba-famba, ku suka etikweni ku ya etikweni, na ku suka erixakeni ku ya erixakeni, ndzi ri karhi ndzi chumayela! Hi mpfhuka ka loko ndzi sukerile mavanti ya xitabernakelani lexi, lexi xi nga nhlanganyelo wa tidinominexini to hambana-hambana, xi nga riki na nawu kambe rirhandzu, lexi nga riki na buku kambe Bibele, nakona a xi na mukhuva kambe Kreste, ndzi ringetile ku langutisa ehenhleni ka vana va Xikwembu, na le henhleni ka lava va nga ariwa, tani hi vahlawuriwa va Xikwembu na vanhu lava va nga hlawuriwa. A ndzi va vutisi loko va wela eka Branham Tabernakele. A ndzi va vutisi loko va ri Mamethodist, kumbe loko va ri Mapresbyterian, kumbe loko va ri Mapentekostal, kumbe Manazaren, kumbe Mapilgrim Holiness. Ntsena ndzi lava ku langutisa ehenhleni ka vona tani hi vanhu va Xikwembu. Na ku vona ku maendlelo na swendlo swa vona, leswaku hi vona malandza ya Hosi Xikwembu. Kutani mbilu ya mina yi navela xinakulobye na vona, swi ngari na mhaka leswaku va na mfungho muni. Ntsena ndzi navela xinakulobye xa vona. Ndza va rhandza hikuva ndza swi tiva leswaku hi vona vanhu va Xikwembu.

<sup>59</sup> Loko ndzi vona wansati a ri karhi a ta ku rhelela hi xitarata, a ri na xikete xo leha, na misisi ya yena yi endliwile kahle endzhaku, a ambarile na—na rhoko leyi langutekaka yi ri na vumunhu; nakona ndzi vona wansati un'wana lontsongo, kumbexana wa malembe lawa ya fanaka, a ambarile pherhe leyintsongo ya swiburukwana; a nga va, hi ku languteka, a sasekile ha kambirhi ku tlula wansati loyi a nga na misisi yo

leha, ku ya hi malangutele ya misava, kambe ndzi ta teka tlheloa mina na nhwenyana luya a nga ambala ku kotisa Mukreste. Hambi leswi va nga vaka va ri karhi va n'wi hleka, na ku n'wi vula muhisekeri, hambi swi ri tano, ndzi ta teka tlheloa mina. A nga va a nga sasekanga ku kotisa nhwenyana loyi un'wana, exikandzeni, kambe u vona swin'wana. Hi ripfumelo u vona Yena Loyer a nga vonakiki, Loyer a nga eku leteleni ka vutomi bya yena.

<sup>60</sup> Loko ndzi vona wanuna loyi a nga entirhweni, a ri karhi a vitaniwa "mudiyakoni," kumbe "muchumayeri," kumbe "muhisekeri," hikokwalaho ko va a ala ku dzaha, na ku nwa byalwa, na ku ya a tigigini, kukotisa lavan'wana hinkwavo, kutani a vitaniwa "muhisekeri," mbilu ya mina yi ya eka yena. Hi yena makwerhu wa mina, ehansi emisaveni leyi ya Egipta, sweswo swi endla leswaku timbilu ta hina ti navela ku n'wi vukarha na ku vula leswaku, "Makwerhu, hi vaendzeri na valuveri, va tiko leri, nakona ndzi navela ku va na xinakulobye na wena."

Muxa a fanele ku endla ku hlawula, ku hlawula hi ripfumelo.

<sup>61</sup> Xana i majaha mangani lawa ya nga vaka va tlulerile nkateko wa ku hundzuka n'wana wa wanhwana wa Faro! Xana i majaha mangani lawa a ya tava ya tlulerile nkateko lowu Muxa a ri na wona, ku tiphina hi mintsako na vunyanyuri bya misava, ku va hosi ya Egipta, ku va na misava hinkwayo emilengeni ya yena! "I nchumu wa vuphukuphuku njhani," lowu majaha ya siku ra yena a ma tava ma wu ehleketeile, "loko Muxa a hlawurile ku teka ndhawu ya yena na vatwisiwa-ku-vava na vanhu lava xanisekaka va Xikwembu."

<sup>62</sup> Hikokwalaho ka yini a swi endlile? Hi ripfumelo, loko a tlakusile mahlo ya yena, u langutisile ku hundza eka vunyanyuri bya misava leyi. U langutisile ku hundza eka mintsako ya vudyoho. Nakona Bibele yi vurile leswaku a tiyile ku kotisa loko ingi a vona Yena Loyer a nga vonakiki, hi ripfumelo, nakona u hlawurile ku tirhela Xikwembu xexo swi ngari na mhaka na leswaku i yini xi tekeke ndzhawu.

<sup>63</sup> A swi cincanga. Vo tala va hina hi nga ya eka leswi hi swi vulaka muako wo antswa. Hi nga ha tiphina, kumbexani, xinakulobye na mintsako ya ku tshama exitulwini xo antswa. Hi nga ha va hi tsakeriwa swinene, ku nwaa na ku dzaha, na ku ambala na ku tikhoma kukotisa misava. Kambe xana mhaka i yini? Mi tlakusile mahlo ya n'wina, kutani hi ripfumelo ma N'wi vona Loyer a nga vonakiki, nakona mi tekile ku yima ka n'wina na lava va ariweke na lava va vuriwaka vavumbuluki-vo-kwetsima va siku. Hikuva hi ripfumelo ha N'wi vona Loyer a nga vonakiki, a hlawula ku xaniseka minxaniseko na ku twisiwa ku vava.

<sup>64</sup> A ndzi nga ta vula eka vanhu leswaku va fanele ku hlawula ku twisiwa ku vava. A ndzi vuli swona leswaku mi fanele ku hlawula ku xaniseka. A swi nga tava nchumu wa vumunhu ku

wu endla. Kambe loko ku xaniseka ku tshamile endleleni ya ntirho, kutani a hi ku tekeni tani hilaha ku taka hakona. A ndzi lavi leswaku mi endla nchumu wun'wana leswaku munhu un'wana a ta endla mafenya hi n'wina. A ndzi nge lavi ku va n'wina mi vula swilo leswi swi hambaneke, leswaku, "Ndzi e... Ndzi wela ekereke leyi yi nga pfumeriki eka *swingere-ngere*, eka swa misava," na swilo leswi swo kotisa sweswo, ntsena ku endlela leswaku vanhu va endla mafenya hi n'wina. Mi le ku tiseni ka sweswo eka n'wina vinyi. A ndzi nge vuli ku va n'wina mi huma ehandle lahawani kutani mi ya emahlweni na ku endla swilo leswi swi tisaka ku cinca. A ndzi nge lavi ku va n'wina mi endla sweswo, leswaku munhu un'wana a ta vula leswaku mi vahisekeri. Mi tisa sweswo eka n'wina vinyi. Kambe loko swi tshama endleleni ya ntirho wa n'wina ku kongomana na Xikwembu, tshikani misava yi vula leswi yi lavaka ku swi vula. Mi hanya ku ya emahlweni.

Ma hlawula. Wanuna un'wana na un'wana na wansati va fanele ku endla leswi.

<sup>65</sup> A swi tava njhani loko Faro a lo vona leswi Muxe a swi vona? U vonile ku xaniseka ka vanhu. U tivile leswi nxavo wo wu hakela a wu ri wona. Kambe hi ripfumelo u wu hlawurile, ku tlula ku va na mintsako ya vudyoho.

<sup>66</sup> Kumbexani ku na lavantsongo, vavasati lavantsongo va nga tshama lahawani, tani hi vavasati lavantsongo va vunyanyuri. Misava yi nga tsakela ku mi byela leswaku, "Endla *swokarhi-na-swokarhi*. U sasekile. Mmiri wa wena wu yumbekile ku saseka swonghasi. A wu fanele u kombisa sweswo."

<sup>67</sup> Kambe, sesi wa mina, tlakusa mahlo ya wena kutani u langutisa ku hundza kwalano, eka Yena loyi a nge te, "I manyala ku va wansati a ambala xiambalo lexi xi yelanaka na xa wanuna."

<sup>68</sup> Loko vavanuna va vanhu emugangeni wa wena, loko vavasati lava u tihlanganisaka na vona, va ku, "Tsemeta misisi yaleyo yo leha. Yi nga va kahle. Yi nga va *leswi, sweswo, kumbe leswin'wana*." Kumbe, "A yi ta ku antswisa." U nga tshuki u yingisile sweswo!

<sup>69</sup> U tlakusa mahlo ya wena, kutani hi ripfumelo u vona Yena loyi a nge te, "Misisi ya wansati i ku kwetsima ka yena, nakona a ngaka a nga yi tsemeti."

<sup>70</sup> Loko va ku, "Yi nga tsakeriwa ngopfu. U ta yima kahle na ntirho wa wena, kumbe na murhangeri wa wena, loko u nga teka ku nwia ka vunghana. Loko wo dzaha tisigarete ku kotisa vavasati lavan'wana, u nga yima eka xiyimo xa vunghana bya kahle eka ndhawu ya le kusuhi na wena."

<sup>71</sup> Hi ripfumelo tlakusani mahlo ya n'wina kutani mi langutisa Yena Loyi a nge te, "Nyamisa mmiri lowu, kutani Ndzi ta wu herisa." Hi ripfumelo ha swi pfumela swilo sweswo. A hi nchumu

lowu mi nga wu vona. I nchumu lowu mi wu pfumelaka. Hi ripfumelo, Muxe u swi endlile.

<sup>72</sup> Kutani eku fambeni loku ka ripfumelo, ku ta nkarhi laha ku faneleku va na ku hlawula.

<sup>73</sup> Lot u endlile xihoxo lexo vava lexi hi xi endlaka. Minkarhi yo tala hi hlawulela ku tivuyerisa. Hi hlawula swilo leswi nga tava swo antswa.

<sup>74</sup> Nkarhi wun'wana loko ku ri na mholovo wuntsongo lowu taka ekerekeni, kutani munhu un'wana a ku, "Kunene, mudiyakoni kumbe mufundhisi u le ka tlhelo leri." Mi nga swi langutisi sweswo. Langutisani leswi swi nga ku lulama. Humeselani nchumu wolowo ehandle kutani mi va tisa ha vumbirhi kun'we. Sweswo i vukwembu.

<sup>75</sup> Ku na ku hlawula. Nakona ha tihlawulela hina vinyi. Hi hlawula nchumu wun'wana lowu wu nga wo pfuna hina vinyi.

<sup>76</sup> Kambe Muxe u hlawurile ku xaniseka na leswi khomisaka tingana, leswaku a ta famba na vanhu va Xikwembu. Ehleketa ni hi swona sweswi. Swi yingiseni. "U hlawurile ku xaniseka ka vanhu va Xikwembu, nakona u swi hlayile rifuwo lerikulu, hikuva u tiyile, ku vona Yena Loyi a nga vonakiki."

Sweswi, Lot, nkarhi wun'wana, a fanele ku endla ku hlawula.

<sup>77</sup> Nakona swi nga va tano, mixo lowu, leswaku ku tava na vavanuna na vavasati lava nga tshama lahwani, lava va nga ta endla ku hlawula ka vona ko hetelela. Mi leswi mi nga xiswona namuntlha, hikuva malembe ma ngari mangani lawa ya nga hundza mi hlawurile ku va leswi mi nga xiswona sweswi. Kutani leswi mi swi hlawulaka sweswi swi ta hlamusela leswi mi nga tava mi ri xiswona eka ntlhanu wa malembe ku suka namuntlha. Ntlhanu wa malembe ku sukela namuntlha mi nga ha va mumixinari. Ntlhanu wa malembe ku sukela namuntlha mi nga ha va Mukreste wa ndhuma.

<sup>78</sup> Kumbe, ntlhanu wa malembe ku sukela namuntlha mi nga ha va etiheleni, hikuva mi endlile xiboho xo hoxeka. Ntlhanu wa malembe ku sukela namuntlha mi nga ha va mi ri karhi mi basisa swo tshwutelela kona ebyalweni. Ntlhanu wa malembe ku sukela namuntlha mi nga ha va nghwavava exitarateni.

<sup>79</sup> Kumbe, u nga ha va wanuna kumbe wansati loyi a nga—loyi a nga ku dzuneka eka vaaki va ndhawu yihi na yihi, hikokwalaho ka ku hlawula ka wena eka Kreste. Ntlhanu wa malembe ku sukela namuntlha u nga ha va eVukwetsimelweni, u famble eku Vutliweni, hikuva u endlile ku hlawula ka wena namuntlha.

<sup>80</sup> Kambe mi fanele ku hlawula. Nakona mi nga langutisi leswi mi swi vonaka. Hlawulani leswi mi swi vonaka hi ripfumelo. Wolowo i nchumu wun'we ntsena lowu wu nga tekeriwaka enhlokweni, hi lowu mi wu hlawulaka hi ripfumelo.

<sup>81</sup> Lot, tani hilaha a fanele ku hlawula. Abraham u nyikile Lot ku hlawula ka yena.

<sup>82</sup> Nakona Xikwembu xi mi nyika ku hlawula ka n'wina. "Tihlawuleleni namuntlha loyi mi nga ta n'wi tirhela." Entageni wa Eden a kuri na nsinya wa—wa vutivi, na Nsinya wa Vutomi. Munhu a nyikiwile nkateko wo hlawula wun'wana na wun'wana lowu a wu navela. Nakona swi tano namuntlha. Mi nyikiwile nkateko wa n'wina, tani hi vakorhokeri lava ntshuxekeke va swa mikuva, ku hlawula swihi na swihi leswi mi lavaka ku swi hlawula.

<sup>83</sup> Xitsundzuxo xa mina eka n'wina, i ku, mi nga langutisi swilo swa ximanguva-lawa ematlhelo ka n'wina, na ku tsakeriwa na vunyanyuri lebyi mi nga va ka byona. Kambe hlawulani, kumbexani, hi ripfumelo, Loyi a nyikaka xitshembhiso leswaku siku rin'wana U ta vuya nakona u ta lulamisa swihoxo hinkwaswo, nakona u ta mi nyika Vutomi lebyi nga Heriki, na ku mi pfuxa. Swi ngari na mhaka loko mi teka ndlela leyi nyenyiwaka na lavantsongo va Hosi, endlani ku hlawula kwaloko. Loko kuri na swiphiqo evokweni, loko kuri na swiphiqo etikweni, loko kuri na swiphiqo ekerekeni, loko kuri na swiphiqo ekaya, swi ngari na mhaka leswaku swi le kwihii, endlani ku hlawula ka n'wina, "Hi ripfumelo, ndzi ta tirhela Xikwembu. Ndzi ta tsongahata mbilu ya mina eVukoneni bya Xona. Ndzi ta teka ndlela na vana va Xikwembu. Ndza va vona va nyenyiwile na ku ariwa, na ku humeseriwa ehandle na ku endliwa mafenza, kambe ndzi ta tama ndza ha teka phuphu ya ntirho wa mina. Ndzi ta tshama kwalahaya. Kutani loko va rila, ndzi ta rila na vona. Kutani loko kuri na nhlomulo, ndzi tava na nhlomulo na vona. Ndlela leyi va hanyakia hi yona, ndzi ta hanya hi yona."

<sup>84</sup> Tani hilaha Naomi a nga vula... Kumbe, Ruti a nga byela Naomi, "Tindlela ta wena ti tava tindlela ta mina. Tindlela ta mina a ti ve tindlela ta wena. Laha u tshamaka kona, ndzi ta tshama kona. Laha u yaka kona, ndzi ta ya kona. Xikwembu lexi u xi tirhelaka xi tava Xikwembu xa mina." Tekani ku hlawula kwaloko, hambi loko ku kwamula dzovo ri suka eka ripfalo ra n'wina, ra ku ehleketa leswaku mi munhu wokarhi. Tiye vuleni n'wina vinyi kutani mi teka ndlela ya n'wina na lavantsongo lava nyenyiwaka va Hosi, kutani mi tshama mi ri karhi mi tshembha ensin'wini ya vutirheli na le ka phuphu ya ntirho.

<sup>85</sup> Lot u langutile emathlalo. A ku, "Ndzi na ku hlawula." Kutani a langutisa ku kongomana na Sodoma. U vonile leswaku timbala ta kahle ta byanyi a ti antswa ku tlula leswi Abraham a swi vona, na laha Abraham a ri kona. U vonile nkateko wo byisa tihomu ta yena, ku va na tihomu to nona na ku antswa.

<sup>86</sup> Ndza tshembha leswaku a ndzi le ku vaviseni ka matitwele ya un'wana. Kambe byebyo byi vile vuyimo bya vachumayeri vo

tala, ku xavelela hi Evhangeli, va ri karhi va ehleketa leswaku va kuma mali yo tala eka swona. [Makwerhu Branham a phokotela mavoko ma yena kanharhu—Muhleru.] Thikithi ra swakudya! Swi nga antswa ndzi hanya etikwени leri nga riki na swakudya, ndzi dya, ndzi nwa ku suka erhavini, na ku dya swikhakhani, ku tlula ku xavelela ehenhleni ka vutibohi bya ripfumelo ra mina eRitweni ra Xikwembu lexi hanyaka. Ndzi ta teka ndlela ya mina.

<sup>87</sup> Van'wana va vona va te, “Billy, mhaka ya kona i yini hi nhlengeletano ya wena, tani hi leswi ku nga na Mapentekostal vo tala eka yona.” Muchumayeri lonkulu wa xidinominexini u vurile sweswo.

Ndzi ku, “Xana dinominexini ya wena yi nga yi seketela nhlengeletano ya mina-ke?”

<sup>88</sup> Ku ngari khale ngopfu, eka magazini wa *Look*, ndza pfumela, a kuri na atikili. Kutani mutsari u vurile lahaya, a vulavula hi mayelana na vanhu va Xipentekostal. U te, “Kereke ya Xipentekostal i kereke leyi kulaka hi ku hatlisa ku tlurisia emisaveni namuntlha.” Hikokwalaho ka yini? Hikokwalaho ko va vavanuna na vavasati va tlakusile mahlo ya vona kutani va langutisa le kule.

<sup>89</sup> Nakona mutsari u ndhundhuzerile vanhu va Mapentekostal. Oho, kunene, u te, “A kuri na van'wana va vona lava va nga ya eka swa timintsu, na swin'wana na swin'wana. Kambe, Mamethodist va gandzela mukhuva. Va gandzela Xikwembu hi mukhuva. Mabaptist va endla leswi fanaka, na Mapresbyterian. Kambe Mupentekostal u gandzela hi Bibele ya yena.”

<sup>90</sup> Hi ripfumelo ha xi vona xitsembhiso. Ndzi ta teka ndhawu ya mina na vona, swi ngari na mhaka leswaku va nyenyiwa ku fika kwih, ndzi tama ndza ha ri un'we wa vona. Hambi loko va endliwa mafenya, na ku va na kuya ehenhla na le hansi ka vona, tani hilaha Israel ri nga endla hakona, ndzi nge pfuki ndzi lavile ku yima na muprofeta wa vunwa ethelwesi ra xiganga, Balaam, kutani ndzi ringeta ku rukana leswi Xikwembu xi nga swi katekisa. Hikuva, emuxaxeni luwa ku na Ribye leri biweke, Xitlhavelo lexi nga ni ngati, na Langavi ra Ndzilo. Swi ngari na mhaka leswaku va le ka yini, swi va rhangela kuya eku hlulen, nakona va fanele ku fika kona, hikuva hi vona vanhu lava va nga tssembhisiwa lava va fambaka hi ripfumelo. Hambi loko va ngari dinominexini, a vari vatsendzeleki hinkwako-nkwako, kutani swi tano hi vanhu va Xikwembu. Kambe ndzi lava ku teka ndlela ya mina na vona, ku tihlanganisa na vona eka swiyimo swa vona; ku ngari eka tidinominexini ta vona, kambe eka xinakulobye ku rhendzeleka hi tiatikili ta Moya lowu nga Heriki wa Xikwembu, laha, hi ripfumelo ndzi nga amukela nkhuvulo wa Moya lowo Kwetsima. Xikwembu ndzi pfune ku va minkarhi hinkwayo ndzi va na maehleketelelo yalawa.

<sup>91</sup> Xiyisisani. Loko va ri karhi va ya emahlweni, hi kuma leswaku Lot u vonile nkateko wa—wa tihomu to nona. Vo tala va vona va vona minkateko ya xibukwana xa le xikhwameni lexi nga nona. Vo tala va vona minkateko ya xiyimo xo antswa eka vaaka-tiko. U vonile ku koteka ka ku va meyara wa doroba. Ku va a ri muluveri, na wanuna wo tlhariha, tani hilaha a ri xiswona, “Kumbexani ndzi nga hundzuka ndhuna ya doroba.” U vonile ku koteka hikuva a ku tshamile emahlweni ka yena. Kambe a nga wu vonanga ndzilo lowu a wu ri wo herisa tiko. A nga tiphahlelanga mariyeta yena n’winyi, leswaku tiko a ri tele hi vudyoho, nakona Xikwembu a xi fanele ku ri herisa.

<sup>92</sup> Kutani, namuntlha, vanhu va ringeta ku tiphahlela mariyeta vona vinyi hi ku vula leswaku, “Xana u . . .”

Ndzi ta ku, “Xana u Mukreste?”

<sup>93</sup> Va ri, “Ndzi Muamerika.” Sweswo a swi na swo tala swo swi endla ku tlula ku ringeta ku byela vukuvuku leswaku hi rona chela. A ri na nchumu xo xi endla hi swona. [Makwerhu Branham a phokotela mavoko ma yena kan’we—Muhleri.]

<sup>94</sup> Ri ya eku herisiweni, hikuva Xikwembu xi lulamile. Kutani loko Amerika ro hundza na swidyoho swa rona, lexo lulama na ku va wa matimba hinkwawo, Xikwembu xo kwetsima xi ta bohiwa hi ntirho ku—ku pfuxa Sodoma na Gomora kutani xi tisola eka wona ku va xi ma hisile, hikokwalaho ka vudyoho bya wona; loko Xo hi tshika hi hundza na swona.

<sup>95</sup> Loko Xo mi tshika mi nghena eTilweni na mintirho ya n’wina leyi nga lulamangiki, Xi ta boheka ku pfuxa Ananias na Safira kutani xi va nyika nkateko wun’wana. Hakunene xi nga swi endla. Kambe Xi lulamile. Ananias u vonile mali ya yena. Petro u vonile Kreste.

<sup>96</sup> Oho, mina! Lot a nga ku vonanga ku herisiwa ka vana va yena eka ndhawu liya.

<sup>97</sup> Votala va n’wina, namuntlha, mi khomeleleke eka mikhuva leyi ya ximfumu ya khale na swin’wana, a mi ya voni matikhomele yo biha ya vuntshwa na ku herisiwa ka vana va n’wina. A mi n’wi voni wanhwana wa n’wina endlwini ya unghwavava. A mi ri voni jaha ra n’wina a ri xidakwa, kumbe etafuleni ra makarata kun’wanyana.

<sup>98</sup> “Hikuva u cheletiwile kahle.” Kutani xidyocho a xi khumbhiwi. A nga n’wi vonanga nsati wa yena, nhloko ya tisosayiti hinkwato, a hundzuriwa xitshuka xa munyu, loko a langutisile. A nga tivonanga yena loko a baleka ntsena hi le makumu ka matino ya yena, ku ya exidorobanini xin’wana kun’wana, hikokwalaho ka vutomi bya yena. A nga swi vonanga sweswo, hikuva a langutile ntsena leswi a swi vona emahlweni ka yena.

<sup>99</sup> Kambe, Abraham, a nga ri xiyisisanga tiko leri a ri cheletiwa kahle, hikuva u tlakusile mahlo ya yena kutani a vona mundzuku, hikuva a ta dya ndzhaka ya swilo hinkwaswo. Mukreste wa xiviri namuntlha u tlakusa mahlo ya yena kutani a vona xitsembhiso xa Kreste: “Ku katekile lavo rhula hikuva va ta dya ndzhaka ya swilo hinkwaswo. Va ta dya ndzhaka ya misava.” Mukreste wa xiviri, hi ripfumelo, u langutisa ehenhla kutani a vona sweswo. N’wi vuleni hinkwaswo leswi mi swi lavaka. U tlakuserile mahlo ya yena ehenhla. Kutani loko a tava a endlile sweswo, Xikwembu xi te, “Abraham, famba hi tiko leri, i ra wena hinkwaro.” Hi ripfumelo, Abraham u endlile leswi; ripfumelo leri fanaka leri Muxe a ri na rona.

<sup>100</sup> Swi tsariwile hi muhaxi un’wana, loyi a nga vula leswi. A ndzi ehleketa leswaku a kuri marito yo saseka ngopfu. Leswaku Abra- . . . “Muxe u tekile misava yo antswa ku tlurisisa kutani a yi veka eka xikalo xin’we; na vukhongeri byo biha ku tlurisisa, kutani a byi veka eka xikalo lexin’wana; nakona vukhongeri lebyo biha ku tlurisisa byi tikile ku tlula misava yo antswa ku tlurisisa.”

<sup>101</sup> Swingaleswi swi tano namuntlha, leswaku loko hi vitaniwa swin’wana na swin’wana leswi hi lavaka ku vitaniwa swona, “vahisekeri,” kumbe “vahorisi va Vukwembu,” kumbe “vavumbuluki vo kwetsima,” kumbe swihi na swihi leswi va lavaka ku hi vitana swona. Xo biha ku tlurisisa lexi hi nga xona xi ta tika ku tlula leswi misava yi nga swi fikelelaka. Va lava ku vitaniwa “fexini ya khale, munhu wa xikhale, muhisekeri.” Swi ta tika ku tlula nchumu wo antswa ku tlurisisa lowu javulosi a nga ta mi nyika wona. Ha kanyingi swi ta swi endla.

<sup>102</sup> Muxe u ringanisile xisandzu xa Kreste. U vonerile Kreste emahlweni. Endzhaku u vulavurile hi marito yo huhutela hi mayelana na Yena. “Ma vona, Hosi Xikwembu xa n’wina xi ta pfuxa muprefeta wo fana na mina.” A swi tiva. U N’wi vonerile emahlweni, na ku ringanisa leswaku xisandzu xa Yena i rifuwo lerikulu ku tlula vunyanyuri hinkwabyo bya misava.

<sup>103</sup> Munghana wa Mukreste, namuntlha, xana a wu nga swi endlisweswo? Kutani vunyanyuri hinkwabyo na ku tsakeriwa ka swa misava, hi ripfumelo, ha N’wi vona loyi a tshembhiseke. Nakona kereke yo biha ku tlurisisa namuntlha, eka hinkwaswo swiyimo swa yona, hambi swi ri tano yi ta tika ku tlula swin’wana na swin’wana leswi javulosi a nga mi nyiketaka swona. Loko hi handzulelekile, loko hi tshovelelekile ku va swiphemuphemu, loko hi hlangananile na ku tshoveka, hi xidinominexini na vuhiseker, swi ta tika ku tlula xin’wana na xin’wana lexi javulosi a nga mi nyiketaka xona. Hakunene.

<sup>104</sup> U ringanisile leswaku xisandzu xa Kreste i rifuwo lerikulu ku tlula xuma hinkwaxo xa Egipta. Kutani a fanele ku endliswin’wana. U fularherile Egipta. Oho, ndza ri rhandza rito lero.

U fularherile Egupta. Ma vona, a langutisile hi fasitere leri ri fanaka, kambe a langutisile ku hambana na Faro. A swi tava njhani loko Faro a lo vona makumu ya yena? A swi tava njhani loko Faro a lo vona tiko ra yena ri nwerile? Muxe u swi vonile. Njhani? Hi sayense? Hi ripfumelo, Muxe u swi vonile. Swilo hinkwaswo leswi a nga swi endla a swi ri hi ripfumelo, hikuva Xikwembu xi tshembhisile Abraham, tata wa yena, leswaku Xi ta—Xi ta endzela tiko leri endzhaku ka mune wa madzana ya malembe, nakona xi ta ri humesa. Kutani hi ripfumelo, Muxe u pfumerile Rito leri Xikwembu xi nga ri vula, na ku titiva yena n'winyi, tani hi ripfumelo, ku va a ri murhangeri loyi a nga hlawuriwa ku va humesela ehandle. A ku tiva laha a ri kona. U tekile ndhawu ya yena emagojini yo rheta, tani hi mupfuvu wa ndzhope, kutani a hlaya xisandzu xa Kreste leswaku i rifuwo lerikulu ku tlula ku tshama exiluvelweni xa Egupta. U tekile... A nga kalanga a ku, "Ndzi rila na rona." U tekile ndhawu ya vona kutani a famba na vona! Ku kwetsima eka... U tekile ndhawu ya vona. Hi fambilie na vona.

<sup>105</sup> A swi hlamarisi ku va mutsari loyi a huhuteriweke a te:

Ndzi ta teka ndlela na lavantsongo lava va  
nyenyiweke va Hosi.

Ndzi sungurile na Yesu, sweswi ndzi le kuyeni.

Ndzi le ndleleni ya mina yo ya etikweni ra  
Kanana. (Kunene.)

<sup>106</sup> Muxe. Swi vuriwile hi un'wana leswaku Muxe a swi antswa, loko a tava a vile n'wana wa Faro na ku va na vunyanyuri bya misava, a swi ta antswa a va n'wana wa Abraham ku tlula ku va n'wana wa Faro. N'wana wa Abraham, munyenyiwa, ku tlula ku va n'wana wa Faro, hosi.

<sup>107</sup> Swi nga antswa ndzi va n'wana wa Hosi Yesu, na ku va nandza kulorhi wa Yena, kutani ndzi teka ndhawu ya mina na vanhu lava va nga ariwa hi misava leyi, ku tlula ku va Presidente wa United States leyi leyikulu ya Amerika, kumbe ku va Elvis Presley, kumbe Pat Boone, kumbe mani na mani loyi mi lavaka ku n'wi endla swona. Ndzi ta teka ndlela ya mina.

<sup>108</sup> Vavasati lavantsongo a va fanele ku teka ndlela ya vona. Ematshan'wini ya ku va—va Mary Pickford, kumbe mutlangi un'wana wa tifilimi wa ndhuma, nhwenyana un'wana wa vunyanyuri, tekani ndlela ya n'wina na lavantsongo lava nga nyenyiwa va Hosi.

<sup>109</sup> Swi nga antswa ndzi va muchumayeri ephuluphitini, ndzi chumayela rifuwo leri nga lavisisekiki ra Kreste, ku tlula ku va mutlangi wa tifilimi wa ndhuma wa Hollywood, kumbe munhu lonkulu ku tlurisia emisaveni. Loko a ndzi boheka ku dya leswintsono, ku kombela, kumbe swihi na swihi leswi ndzi nga bohekaka ku swi endla, ndzi ta teka ndlela ya mina na vanhu va Hosi. Hi ripfumelo, ndza swi endla sweswo. Ndzi nyikiwile

nkateko. Kambe, hi tintswalo ta Xikwembu, ndzi tama ndza ha vona hi ripfumelo.

Hi ripfumelo ndza yi vona le kule;  
 Kutani Tatana wa hina u yima endleleni,  
 Ku hi lunghisela ndhawu yo tshama kona  
 Lahaya.

<sup>110</sup> Wanuna wa xibalo xa muholo u vurile, siku rin'wana, "Hikokwalaho ka yini u hundzurile kaya ra wena ri va kereke liya? I yini lexi xi nga ku endla u nyikela makume ntlhanu-ntlhanu wa magidi ya tidolara ekaya eka tabernakele liya ya khale leyi langutekaka tani hi thyaka?"

<sup>111</sup> Ndzi ku, "A ku ngari kereke leyi ndzi nga yi endlela swona. I vanhu lava va nga lahaya." Ndzi hava nchumu xa tinhundzu ta misava leyi. Peni yin'wana na yin'wana leyi ndzi nga tshama ndzi yi teka yi tlheriseriwela ekerekeni leyi. Hikokwalaho ka yini? Ripfumelo ra mina ri le ka Xikwembu, nakona ku ngari eka swilo swa misava leyi. Rirhandzu ra mina ri le henhla. Nakona ndzi pfumela leswaku na ra n'wina hinkwenu ra fana, loko mi lulamile na Xikwembu. I ntiyiso, leswaku mi tano. Hina, hi ripfumelo, ha amukela. Hina, hi ripfumelo, hi pfumela Xikwembu.

<sup>112</sup> Muxe, a fanele ku endla ku hlawula. Kutani a fanele leswaku, endzhaku ka ku endla ku hlawula, a fanele ku lwisa ripfumelo, manuku, hikuva a nga chavanga vukarhi bya hosi. Sweswi, hi vumunhu, a ri na mfanelo yo chava vukarhi. A ri na mfanelo yo chava vukarhi bya hosi, kambe a nga byi chavanga. A nga swi endlanga, hikuva a ri na ntirho wo wu endla, nakona a ri entileni wa ntirho. Nakona a ngari na mhaka na leswi hosi a yi swi vula hi mayelana na swona. U tekile ndlela ya Xona ntsena hilaha ku fanaka.

<sup>113</sup> Sweswi, Faro, hakunene, loko a vona leswaku u hluriwile, a lava ku nyika Muxe na vana... U te, "Swi lulamile, ndzi ta mi byela leswi ndzi nga swi endla. N'wina hinkwenu titshamele ni etikweni kutani mi huma mi ya gandzela eka Xikwembu xa n'wina."

<sup>114</sup> Yaleylo i ndlela leyi javulosi a tirhaka hakona. "Oho, mi nga va vakhongeri. Hikokwalaho ka yini mi nga yi mi ya tihlanganisa na kereke yin'wana? A mi boheki ku endla swilo leswi hinkwaswo." Wanuna u byela nsati wa yena...

<sup>115</sup> Wansati a ku, "Nuna, ndzi ponisiwile. A ka hari na switolwa swa min'wala, kumbe phodo yin'wana na swilo. A ka hari na swin'wana swa leswi. A ka hari na minhlangano yin'wana. A ka hari na swin'wana swa swilo leswi swa tisosayiti. Ndzi humile eka swona! Ndzi ta veka nkarhi wa mina eka ku hlaya Rito, ndzi hlayisa muti."

<sup>116</sup> “Sweswi, langutisa, murhandziwa. Wena, u nga va mukhongeri, swi lulamile. Sweswi, langutisa, u—u ya *lahaya*. U na kereke yo hoxeka.”

<sup>117</sup> Ee, a wu na yona. U le ka yo lulama. Loko u ri na muchumayeri loyi a nga ta chumayela sweswo eka wena, u fanele ku tshama na yona. Lavisansi endzhaku eMatsalweni kutani mi kumisisa loko sweswo swi lulamile.

<sup>118</sup> “Oho,” a ku, “yana *lahawani*. A va—a va boheki ku endla sweswo lahawani. Wa vona? A va endli leswi lahawani.” Yaleylo i ndlela . . . “Ntsena famba ku fika laha.” Kambe a nga swi lavi leswaku mi humela ehandle ka tiko. Yaleylo i ndlela leyi javulosi a endlaka hakona. A nga swi lavi leswaku mi humela ehandle ka swilo swa misava; ntsena u nghenisa misava endzeni na kereke.

<sup>119</sup> Siku rin’wana, ndzi ri karhi ndzi rhelela hi patu, ndzi pfulerile xiya-ni-moya xa mina. Kutani a kuri na—na risimu, kutani a ndzi tshamela ro yingisela, nakona a ndzi boheka ku teka, ka ntsongo, risimu ku ya emahlweni, loko ndzi nga se vula loko hakunene ri ri risimu ra vukhongeri, kumbe javulosi a ri eku ringetenka ku chicha swilo swa Xikwembu eka xiyimo xa misava. Mi ngaka mi nga swi endli sweswo! Xikwembu a xi vi na ntsentselelo!

<sup>120</sup> A ndzi na mhaka leswaku i tialibamu tingani leti Elvis Presley a ti tsalaka, eka hinkwato tinsimu ta kahle ta swa vukhongeri. U tama a ha fumiwa hi javulosi. U rhumerile vana vo tala etiheleni, na mafambelo hinkwawo lawa ndzi ma tivaka, eka misava hinkwayo eka siku leri. Pat Boone na lavan’wana hinkwavo, a nghena church of Christ; na Elvis Presley, Mupertekostal; hi vona va Yudas Iskariot, hi xivumbeko xa vavanuna lavaya. Javulosi u le ku ringetenka ku tisa swilo swa le henhla swa Xikwembu, leswaku va ta swi pfanganyisa ehansi *lahawani*. Vanhu a va nge langutisi Ehenhla, ka *Leswi*. Ntsena va langutisa *lahawani*, va ku, “Kunene, hinkwaswo swa fana.” A swi fani. Humanii etikweni.

<sup>121</sup> A ku, “Mi nga famba masiku mantsongo. Kutani mi famba, mi tshama etikweni.” Kunene, a swi tiva leswaku va tava va vuyile. Kutani u kumile leswaku sweswo a swi nga ta tirha, swingaleswi u eholeketile hi swin’wana swo hambana. A ku, “Ndzi ta mi byela leswi mi nga ta swi endla. Mi nga huma mi ya kun’wana na kun’wana laha mi lavaka ku ya kona, kambe mi siya vasati va n’wina hinkwavo, vana va n’wina hinkwavo, na tihomu ta n’wina hinkwato, endzhaku *lahawani*. Mi swi siya kwala, kutani mi ya ehandle.” Hikuva, a swi tiva leswaku a va ri na rifuwo endzhaku lahaya, leri a ri tava yenga va vuya.

<sup>122</sup> Nakona sweswo hi leswi javulosi a mi byelaka swona. Ntsena loko ma ha siya swin’wana swa swilo swa misava swi thakamerile eka n’wina, mi tama ma ha lava ku dzaha, mi lava

ku nwa, mi lava ku ambala ku kotisa misava, sweswo swi kahle tani hilaha javulosi a lavaka hakona.

<sup>123</sup> Ndzi twa swo tala hi mayelana na ku wa. A ndzi pfumeli leswaku ku na ku wa swonghasi tani hilaha vanhu va ehleketa leswaku ku kona. Ntsena va siya rifuwo ro tala eEgipta ro va yenga va tlhelela endzhaku, hi sweswo ntsena. Ku wa a hi leswi va vulaka leswaku hi swona. Mi siyile swo tala swa misava endzhaku lahaya, leswi swi mi yengaka.

<sup>124</sup> Makwerhu, ndza ku byela, loko Israel ri lunghekile, exikarhi ka vusiku, a va ri na swilo hinkwaswo leswi a va ri na swona emisaveni leyi, swi pakiwile na ku lunghekela ku famba.

<sup>125</sup> Xikwembu hi rhumele mpfuxelelo wo kotisa wolowo. Hi paka swilo hinkwaswo, na ku lunghisela ku famba. Ku rila ka le xikarhi ka vusiku ku le kuteni, "Humani mi ya hlangana na Yena." Swa antswa mi va na swilo hinkwaswo swi pakiwile. Swa antswa mi nga vi na nchumu, misava leyi, yi mi yengela endzhaku, tintambhu tihia na tihia to mi khomeleta ehansi. Longani. A hi lunghekeni. Hi le ku fambeni.

<sup>126</sup> Nakona ma swi tiva leswaku i yini? Ndza mi byela, a va ri na ntiyiso swonghasi eka Xikwembu, ku kondza Faro a tela hi ku nyanyuka swonghasi exikarhi ka vusiku, a ku, "Humani! Humani, kutani mi suka mi famba. Tekani swilo hinkwaswo leswi mi nga na swona, kutani mi famba!"

<sup>127</sup> Ndzi tsakile ngopfu ku va munhu a nga hanya ekusuhi swonghasi na Xikwembu, ku kondza javulosi a nga tivi xo xi endla hi yena. Hi swona sweswo. Humani! Sukani mi famba! Mi yingisa Xikwembu!

<sup>128</sup> Hi ripfumelo, u vonile xitshembhiso. Mupfuvu wa ndzhope, kumbe ku ngari mupfuvu wa ndzhope, u tekile ndlela ya yena na lavantsongo lava nyenyiwaka va Hosi. Faro u te, "Tekani hinkwaswo leswi mi nga na swona kutani mi huma lahwani! A ndzi swi tivi leswaku ndzi nga endla yini hi n'wina." A ri na ntiyiso swonghasi eka Xikwembu, hi ripfumelo.

<sup>129</sup> Ripfumelo ri nga tirha mahlori, loko mi nga tshama hi ntiyiso eka Xikwembu. Hi ripfumelo, ha Xi vona.

Nkarhi wa hina wu herile; nkarhi wu hundzile.

<sup>130</sup> Kambe, hi ripfumelo, mixo lowu, tlakusani mahlo ya n'wina. Mi nga voni leswi swi nga ematlhelio ka n'wina, misava leyi ya ximanguva-lawa, kambe langutisani kutani mi vona Yena Loyi a nyikaka xitshembhiso. Bibele yi te, "A hi voni swilo hinkwaswo hi ku hetiseka sweswi, kambe hi vona Yesu." Mi N'wi langutisa, mixo lowu, kutani tindlela ta n'wina ti ta cinciwia.

<sup>131</sup> Loko ha ha korhamisa tinhloko ta hina, ntsena xinkadyana, eka rito ra xikhongelo. Ingaku Hosi yi nga engetela minkateko ya Yona eka Hungu.

<sup>132</sup> Ehleketani etimbilwini ta n'wina sweswi. Xana a mi ri karhi mi langutisa swilo swa misava? Hi ripfumelo, xana ma n'wi vona Yesu? Xana mi le ku langutiseni ka ku tsakeriwa ka n'wina, kereke ya n'wina-ke? Leswi xiyimo xa n'wina xa vunghana xi nga xiswona na misava? Kumbe, xana mi vona Yesu Loyi, hi ntewela vusiwana, a tivekeke hi Yexe evokweni ra xinene ra Vukulukumba eHenhla-henhla, Loyi a nga xaniseka tani hi muxanisiwa, lowo lulama hikokwalaho ka lava va nga lulamangiki-ke? Xana a mi nge tlakusi mahlo ya n'wina kutani mi vona Nsinya luwa wa Vutomi lahaya? Kutani, sukelani nsinya lowu wa sayense na vutivi, kutani mi tirhela Yena.

<sup>133</sup> Xana mi nga tsakela ku tsundzukiwa hi xikhongelo loko ndzi nga se khongela? Yimisani mavoko ya n'wina, eka xikombelo xihi na xihi lexi mi nga vaka mi ri na xilaveko xa xona. Xikwembu xi mi katekisa. Xi vona mavoko ya n'wina hinkwawo.

<sup>134</sup> Loko u ri mudyohi, tlakusa mahlo ya wena kutani u langutisa sweswi. Loko u vile loyi a honisaka, loko u vile na timholovo letintsongo na swilo swintsongo, hi kwihi ku hambana loku swi ku endlaka? U ya ekufeni eka rin'wana ra masiku lawa. Siku rihi? Kumbexani namuntlha! A wu swi tivi. Awara ku sukela sweswi, u nga ha va u ri etiheleni, kumbe u nga ha va u ri eTilweni. Kambe u fanele ku hlawula sweswi. Loko kuri na xin'wana na xin'wana evuton'wini bya wena lexi xi nga lulamangiki, u hlawula sweswi, hi ripfumelo.

<sup>135</sup> U ri, “Kunene, loko ntsena ndzo rihiseta wansati! Loko ndzo rihiseta wanuna!” Swi ngari na mhaka leswaku va endlile yini, hlawula Vutomi. Hlawula Vutomi.

<sup>136</sup> Hikuva, Yesu u te, “Loko ku suka embilwini ya wena u nga rivaleli munhu un'wana na un'wana xidyoho xa yena, na yena Tata wa wena wa le Matilweni a nga ku rivaleli.” Swingaleswi endlani leswaku sweswo swi pfaleka. Loko kuri na xendlo xin'we embilwini ya n'wina ku lwisana na munhu wihi na wihi, mudyohi kumbe mukwetsimi, mi le khombyeni ra ndzilo wa tihele.

<sup>137</sup> Sweswi tlakusani tihlo ra n'wina. Xana mi vona yini, nala wa n'wina? Kumbe, xana mi vona Muponisi wa n'wina-ke? Xana mi langutisile yini mixo lowu?

<sup>138</sup> Loko mi vabya, kutani dokodela wa n'wina a vula leswaku mi ngaka mi nga holi, tlakusani tihlo ra n'wina, ku ya exihambanweni, laha A nga vavisiwa hikwalaho ka swidyoho swa hina, hi timbanga ta Yena hi horisiwile. Mi nga langutisi leswi dokodela a swi vulaka; u tirha hi sayense. Ripfumelo ri tirha exivandleni xa Moya na Xikwembu. A hi ehleketeni hi swilo leswi sweswi loko ma ha yimisile mavoko ma n'wina. Xikwembu xi ma vonile.

A hi khongeleni.

<sup>139</sup> O Xikwembu xa hilaha ku nga Heriki, eku miyeleni ka ku dzunisa loku sweswi, endzhaku ka loko Hungu ri yile emahlweni,

u nga tshiki timbewu letiya ta Rito ra Wena, Hosi, ti wela ehenhla ka misava ya maribye. U nga tshiki Hungu, Hosi, ri wela emahlwehlweni, mitwa, leswaku ku vilela ka misava leyi (ku kotisa Lot) ku nga ri talerisa, eku heteleleni, yi hundzuka muhlongoriwa. Kambe, O Xikwembu lexi katekeke, yi pfumeleli yi wela eka ya kahle, misava yo nona, etimbilwini to tisola. Na le ka ya mina, na yona, Hosi, leswaku hinkwerhu hi nga langutisa hi nglilazi ya Xikwembu yo langutisa hi yona, kutani hi vona Kereke leyi ariweke ya Hosi Yesu, vanhu lava ariweke, ndlela leyi ariweke, nakona ingaku hi nga famba endleleni leyi yo kwetsima.

<sup>140</sup> Tani hi Muxe, a nga ku tivi laha a ya kona. Vanhu a va nga ku tivi laha a va ya kona. A va nga swi tivi leswaku va fanele ku famba hi ndlela yihi. Va lo sungula.

<sup>141</sup> Kutani, O Hosi Xikwembu, tani hi leswi risimu leri ro saseka ri nga eku tlangeni, hi ripfumelo ha ri vona Tiko leriya le kule. Swi pfumelele swi va kona sweswi, leswaku vavanuna na vavasati lahwani va nga ehleketi hi leswi misava yi nga ta swi vula, kumbe hilaha va nga eku fambeni hakona. Ingaku va nga tlakuka emimoyeni ya vona, kutani va famba.

<sup>142</sup> Muxe u landzerile ku Vonakala, nakona Ku n'wi rhangerile ku ya etikweni ra xitshembhiso. A ngari eku tiveni ka laha a ya kona, kambe u lo famba eku Vonakaleni, ku ya etikweni leri a ri xongile ku tlula siku.

<sup>143</sup> Hi nyike, Hosi, namuntlha, leswaku vo tala lahwani va ta famba eku Vonakaleni ka Matsalwa na le ka xinakulobye xa Moya lowo Kwetsima, na hi Kereke; Kereke, Mativula, vana lava va nga ha ku tswariwa lava va nga amukela Kreste, na ku tatiwa hi Moya lowo Kwetsima, va rhangeriwa hi Moya. Ingaku hi nga famba eka xinakulobye lexi, swin'we, ku rhendzeleka hi tiatikili ta Xikwembu, hi xi tirhela eka nkhuvulo, hi ku yingisa eka rifu ra Yena, ku lahliwa, na ku pfuxiwa. Ingaku hi nga N'wi tirhela eka ku lerisa ka Yena, "Rindzelani eYerusalem ku kondza mi tatiwa hi Matimba yo suka eHenhla-henhla." Ingaku hi nga N'wi tirhela eku horiseni ka Vukwembu, ku khongelela vavabyi. Ingaku hi nga N'wi tirhela eka xilalelo, ku phema xinkwa, hi vun'we bya timbilu, xinakulobye ku rhendzeleka hi Rito ra Xikwembu. Ingaku hi nga N'wi tirhela eka hinkwato tiatikili ta Vukwembu bya Yena, ku kondza Tiko ri kota ku vona. Hi nyike swona, Hosi. Yingisa swikhongelo swa hina, tani hi loko hi swi nyiketa hinkwaswo eka Wena sweswi, hi Vito ra Hosi Yesu.

<sup>144</sup> Sweswi loko ha ha korhamisile tinhloko ta hina, hi miyerile, hi ku nonoka, ntsena a hi yimbeleleni risimu leri. Sweswi leswi i ku dzunisa. Hungu ri herile. Ku nga fambi munhu. Ntsena miyelani. A hi dzuniseni.

<sup>145</sup> Hungu i ro lulamisa. Ehleketa ni kahle sweswi leswi mi nga swi endla, leswi a mi fanele mi swi endlile, leswi swi nga mi

endla mi va leswi mi nga xiswona namuntlha. I yini leswi swi mi endlaka mi avanyisiwa, namuntlha, hikokwalaho ko va mi endlile swin'wana tolo. Xana ku tava yini mundzuku? Swi lulamiseni namuntlha, kutani mi tava lava ntshuxekeke mundzuku. Ma vona? Mi fanele ku endla ku hlawula. Xana mi nga swi endlisa ku yini? "Hi ripfumelo, sweswi ndzi ntshuxa swilo hinkwaswo. Sweswi ndza ntshuxa, kutani siku rin'wana ndzi ta ya Kwalahaya."

Eku tsokombeleni ku ngari khale,  
Hi ta hlangana eka lero sase- . . .

Ntsena dzunisani Hosi mi ri emoyeni wa n'wina sweswi.

Ekutsokombeleni ku ngari khale,  
Hi ta hlangana na Kereke liya yi nga nyenyiwa.  
(Ku famba ko nonoha, kambe hi ta hlangana  
siku rin'wana.)

Eka Tatana wa hina wo hanana ehenhla,  
Hi ta nyikela ku xixima ka hina ka ku dzunisa,  
Hikokwalaho ka nyiko yo kwetsima ya  
rirhandzu ra Yena,  
Na minkateko leyi yi kwetsimisaka swa  
hina . . .

Na lavantsongo lava nyenyiwaka va Hosi, hi ripfumelo, ndza hlawula.

Eku tsokombeleni (eku tsokombeleni) ku  
ngari . . . (ku ngari khale)  
Hi ta hlangana eribuweni leriya ro saseka; (ku  
ngari khale)  
Eku tsokombeleni (eku tsokombeleni) ku ngari  
khale,  
Hi ta hlangana eribuweni leriya ro saseka.

Ku na Tiko leri ri . . .

Ntsena N'wi dzuniseni. Loku i ku dzunisa.

. . . ripfumelo ndza vona,

Hi ripfumelo ndzi endla ku hlawula ka mina.

Oho, Tatana u yimela . . .

<sup>146</sup> Ndzi vona hinkwavo va Hosi Lahaya; Makwerhu George, Makwerhu Seward, hinkwavo va vakwetsimi.

. . . ndhwu ya hina yo tshama kona Lahaya.  
(Ina, Hosi!)

Ku tsokombela . . .

<sup>147</sup> Tatana wa yena, Howard, Edward, hinkwavo vanghana va vakwetsimi lava va nga teka Ndlela, le ndzhaku, khale ka khaleni.

Eku tsokombeleni (Ina, Hosi!) ku ngari khale  
(ku ngari khale),  
Hi ta hlangana eribuweni leriya ro saseka.  
Hi ta yimbelela eka leriya ro sase-... (O  
Xikwembu!)  
Tinsimu ta risuna ta lava va katekisiweke, (Ku  
kwetsima a kuve eka Xikwembu!)  
... hi ngaka hi nga ha vi na nhlomulo,  
Ku ngari na ku ahlama ka minkateko ya  
Ndhawu liya yo tala ku wisa.  
Eku tsokombeleni, ku tsokombela ku ngari...  
(ku ngari khale)  
Hi ta hlangana eka leriya ro sase-... 

*Hi RIPFUMELO, MUXE* TSO58-0720M  
(By Faith, Moses)

Hungu leri hi Makwerhu William Marrion Branham, ri sungurile ri hangalasiwa hi Xinghezi hi Sonto ni mixo, Mawuwani 20, 1958, eTabernakeleni ya Branham eJeffersonville, Indiana, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

XITSONGA

©2018 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)